

PHP -

Filipə tián

Sagi tə, Polə nə púpúní v pa

Filipə tián

Kərisə lià tə nə

Filipə tián sagi tə yuu wa sugu

Lìu tə, v nə púpúní sagi ku tə

Ku yi *tuntunu Polə nə púpúní ku.

Lìà tə nə, Polə nə púpúní

Polə púpúní sagi ku tə v pa *Kərisə lià tə nə, ba nə wulə Filipə tifarv wa. Filipə yi ku wulə Masedwanə nagwanaa tə wa. Polə nə dıga Kərisə lià púlí təntə dən, ku m̀ ga nə yi Kərisə lià púlé tə wa təntən púlí nasara luv wa. Polə swə Kərisə lià púlí təntə zənzən.

Sagi tə wa sugu

Nəŋə ku tə yırı Polə nə púpúní ba nə: Polə wulə bən diə, *Kərisə lià tə Filipə nə ga pa zılé wiən bə, tə pa wá, yá v dən kəni ba lèè.

Polə pìà v bırı də, cən yí Kərisə lià tə, yá də ku nətu mə, ba tə mə, sə ba ya pupwən wa, ba tə mə, sə ba vwə ba tiən *Yuu-Tiu Zwezi-Kərisə nə, ba mə, sə ba tuŋa ba pın duən nə, ba ga mə, sə ba sóní duən də ba waa mama, ndə v m̀ Polə nə.

Polə jònì Kərisə lià tə Filipə nə

¹ À mù Polə də Timote nə yì Zwezi-*Kərisə tutunbia. Nə púpóní sagi ku tə, nə pín á mù, Filipə lià tə mama, á nə yì Zwezi-Kərisə nə ti. Nə púpóní ku, nə pín á yáá tián tə nə də á tutunbia tə nə. ² Nə nyina Yu də nə *Yuu-Tiu Zwezi-Kərisə nə wá fwa pubwanu á yira, ba ga pa aba bican sió.

Won tə, Polə nə lòrì Yu con, Filipə tián yiri

(Kolosa tián 1.3-11)

³⁻⁴ Mánjá mama, à nə swìn á yoo à nyina Yu con, à yáá kə v lèè á yiri. Yá à yáá fwa ku nətə tə də pupwən. ⁵ Ku zigi dun tə nə, á nə jigə *Kərisə lià, ku ja bà ku yì zèn, á mù də à mù nə tunja duən nə, nə swìn Zwezi-Kərisə suywánú tə, nə biri. Ku mù nə pín, à kəni Yu lèè. ⁶ À yèé də, cígá mama Yu dígá tutunzəngu dèñ á bicaní wa. Yá ku ja vələ dun tə nə, Zwezi-Kərisə nə wá pìí v bà, v wá fwa ku, v zwè.

⁷ Yu fwa v pubwanu tə à yira, v ga fwa ku vən don á də yira. Ba vwə nə də banzala, yá à wá swìn Zwezi-Kərisə suywánú tə, à biri. À wá pa ba lwarì də, ku yì cígá, lià tə, ba nə bürì bura tə yáá con, də diàn. Ku mù nə pín, à jə cígá, sə à ja pubunja təntə də á mama, à nə ken á yoo à bican wa. ⁸ Á yoo yì nə zənzən. Yu yèé zəni də, ku tà kunkun nə à kuní. Ku yì Zwezi-Kərisə sonu tə nə, à ma swə aba.

⁹ Yá won tə, à dāñ nə lòrì Yu con, ku mù nə yì, sə á sonu tə sùrí, wuuu ku ja lə. Ku mù nə wá pa aba yənu, sə á wàní á lwarì nətə tə, á nə mɛ, sə á fwa. ¹⁰ Yá á dāñ wá wàní á kúrí ku tə nə jə funə. Ku nətə tə dāñ wá pa, dun tə, Zwezi-Kərisə nə wá pìí v bà, á bicaní wá ya nəpon, á ga bá ja yokukwīnan, ba nə wá caga á nii tə nə yiri. ¹¹ Yá ku mánjá tə wa, á wá ya lià tə, á twá də Zwezi-Kərisə, á ma tunja tutunzəngə zənzən, tə nə biri də, á yì cígá tián Yu yáá con. Ku mù nə wá pa, lià pa dun Yu nə, ba ga bu v nə.

Zwezi-Kərisə dwə won mama

(Marəkə 9.38-40, Romə tián 14.7-8, 2 Korentə tián 5.1-9)

¹² À nubia-ba, yìèn tə, tə nə yí nə, à pià, sə á lwari də, tə san tə pa Zwezi-*Kərisə suywánú tə kwən ku va yáá. ¹³ Ku yi cígá, mə ku twá də tə mù yìèn təntə, tə nə yí nə, pamana tə mama, ba nə wulə bura diè tə wa, də ba duən tə mama ma yèé də, ku yi Zwezi-Kərisə yiri, ba vwə nə də banzala. ¹⁴ Ba vwə nə də banzala ku ga pa lià tə zuni, ba nə yi à nubia Kərisə yiri, tə jə *Yuu-Tiu diàn u cwəŋə tə wa. Yá ku dān pin, ba kwən ba swìn Yu sugv tə də wudiw, fən də ga ba ba jə.

¹⁵ Ba wa lià duən yi ba swìn Zwezi-Kərisə suywánú tə də wugwiw, ba ma jiga à mù Polə nə. Yá ba duən mù yi, ba swìn ku, də ba waa mama. ¹⁶ Ba mù fwa ku də sonu, ba ga yèé də, Yu nə ken nə yəbə, sə à swìn Zwezi-Kərisə suywánú tə də diàn, à biri də, ku yi cígá. ¹⁷ Ba duən tə mù yi ba swìn Zwezi-Kərisə suywánú tə, sə ba ma jigi də nə. Ba sùràn tə tà də ba waa mama. Ba fwa nətu, ba ga buŋa də, ba wá súrí à càn tə, à nə wulə tə wa, à banzala tə wa. ¹⁸ Ku tà à yáá. Ba duən pubuŋi wàá pubunkukwīnan tə yani. Ba duən də pubuŋi wàá pubunzəŋə tə yani. Yá ba ga nə swìn Zwezi-Kərisə suywánú tə, à mù Polə tə wulə pupwən wa, ku yoo tə yiri. Cígá mama, à tə wá kwən à jwɛ, à súrí lá wuuu. ¹⁹ À yèé də, ku nətu nə wá pa Yu jon nə. Ku nətu wá twá də á yijuni də Zwezi-Kərisə *Siŋu tə, ku də nə saŋa nə. ²⁰ À swə, sə yoo ku tə tun. À jə ku yala, də à waa mama. Ku mù nə yi, sə à cì yoo dān ká ya lá, cavira nə wá ja nə ku yiri, sə à tətə dān wá kwən, à lɪ à waa con síún nə, ndə fuən tə nə. Yá ku dān nə twá à luv wulu nə, nə à yèé à tian nə, ba wá pa dun Zwezi-Kərisə nə. ²¹ À mù Polə con nə, Zwezi-Kərisə nə pin, à mu tə jə dēn. Yá tian dān jə nywari tə pa nə.

²² Yá à mu nə wulə luv wa, à tə wàá tutunzəŋu à fwa. Ku mù nə pin, à kúù yəri ku tə, à nə wá kúrí à tì. ²³ À dān yi à wulə yìèn bələ tətəŋi wa. Vàn don nə, à swə zəni, sə à tɪ, sə à ya də Zwezi-Kərisə. Ku mù ga nə wá ya ywání də nə zənzən. ²⁴ Yá vàn don də nə, á mù yiri nə, à mu nə wulə luv,

sə à san aba, ku də jə funə zənzən, ku doni. ²⁵ À yèé də, cígá mama ku yí nətú, à ga yèé də, à bá tí, à wá ya də aba. À wá san aba, sə á va yáá Yü nyiən tə wa. Yá á dān wá jwɛ, á nə kəni á waa Zwezi nə wuuu, tə yiri.

²⁶ Mánjá tə, à nə wá píí à bà á con, á dān wá bu Zwezi-Kərisə nə zənzən á ja le, à nə píí á bà á con yiri.

(1 Tesalonikə tián 2.12-16, Ebərə-ba 10.32-36, Tòtònán 14.22)

²⁷ Yoo tə ku nə dwə, ku mù nə yí, sə á ya là tə, á nə twá ku tə nii nə, Zwezi-Kərisə suywánú tə nə buri aba. À pià də, à nə wá bà, à na aba, nə à yèé à nə wà twi, sə à nì də, á ziga diàn, á ga jə nimaru. À pià, sə à nì də, á kəni diàn də waa nədu, Zwezi-Kərisə suywánú tə yiri, á nə sè. ²⁸ Yá á kùù ba, á duŋa tə fən duri míámíán. Ku mù nə wá buri də, ba mù yí ba tí ba jén míámíán Yü yáá con, á mù ga wulə cwəŋə wa, ku nə wá jon aba á cuna wa. ²⁹ Yá ku yoo təntə yí ku nan Yü. Yü nə pin aba yuywánú. Ku tà, sə á keni á waa v nə wuuu, cici. Ku yí, sə á dó càn də v yiri. ³⁰ Síún nə, à mù də á mù mɛ dān nə saŋa duən nə, nə jaŋa. Á dí yáá á na jaŋa tə, à nə jaŋa. Yá síún nə, á nèn də, à tə wulə jaŋa tə wa.

2

Á yana ndə Zwezi nə

(Romə tián 15.1-7, 2 Korəntə tián 8.9, Kolosə tián 1.15-20, Ebərə-ba 1.1-4)

¹ Á ken á waa Zwezi-*Kərisə nə. Ku nətú pin súrí á bicaní naaa? U sonu tə dān á jìlàn naaa? Á ní tori Yü-*Siŋu tə tarpìun tə wa naaa? Yü fwa pubwanu á yira naaa? Yü dəri á yinəgə zənzən naaa? ² Də ku nə yí nətú, à lòrì aba, sə á sóní duən də Kərisə sonu təntə, sə á ja pubuŋa nədu, sə á nii ya nədu. Á nə fwa nətú, à pupwən tə dān wá ya cígá cígá pupwən. ³ Á dānà ká jígú də duən. Á dānà ká bu á tiàn nə. Á kəni á tiàn tia duən yáá con. Á ywàŋá là tə ndə là tə nə, ba nə wulə á yuu wa. ⁴ Á liù mama dān ká bún

ku tə nə ziən, ku pa v m̀̀ cici nə yoo. U mɛ, sə v b́́n ku tə nə ziən, ku pa ba duən tə də nə.

⁵ Á pian, á pubuŋa tə ya ndə Zwezi-Kərisə pubuŋa tə nə.

⁶ U də Yu mɛ yà yɪ nədu. Yá v ga wà pa ku ya yoo v nə ba pìà, sə v yá ku. ⁷ U yá v dun tə mama, v ga jì yonɔ. U jigə ləzwənə, ba lɪrɪ wá, ndə ba nə lɪrɪ ləzoni tə nətu. ⁸ U sè v mun v tìàn, v ga zìlí Yu nii, v va v tɪ*fl*. ⁹ Ku m̀̀ nə pɪn, Yu tì wá, v kə dun bwálí wa, tə nə dwə won mama. Yu pɪn wá yɪrɪ tə, ku nə dwə yɪrɪ mama. ¹⁰ Ku twá ku yɪrɪ təntə nə, lià tə mama, də wiən tə mama Yu sàń nə, də tia yuu wa yəbə, də tia dèń mɛ, wá bà ba tu Zwezi yáá con, ba bu v nə. ¹¹ Liù mama wá sùrí v nii, v ga swìn, v bɪrɪ də Zwezi-Kərisə yɪ *Yuu-Tiu. Yá ku dāń wá pa dun nə nyɪna Yu nə.

Kərisə lià tə yɪ ndə poni nə

¹² À nubisoni-ba, mánjá tə wa, à m̀̀ də á m̀̀ nə yɪn duən nə, á zìlí Yu nii. Ku mɛ, sə á tə zìlí Yu nii síún nə, mánjá ka tə də wa, à nə tɛ́lɛ́ á con. Yu jon aba á cuna wa, á dān tuŋa ku tutunən. Á fwa ku nətu də zìlé zənzən də á vɪvaga v yáá con, ¹³ Yu nə dí yáá v tanɪ aba v tún, sə á sóní yìèn tə, tə nə poli v pùé, v ga pa aba diàn, sə á tun tə də yɪrɪ. ¹⁴ Ku tə mama á nə fwa, á dānà ká ŋuŋwɪn. Yá á dānà ká fwa tútùná də duən. ¹⁵ Ku m̀̀ nə wá pa, á ya lià tə, á nə ba yoo jə, ba nə wá caga á nii nə ku yɪrɪ. Á ga wá ya Yu lià tə, á bɪcanɪ nə yɪ nəpon Yu yáá con, á nə ba cuna jə. Á m̀̀ də ŋwɪna də wɪlɔnyɪna-ba nə wulə luv ku tə wa, á mɛ, sə á ya ba wa, ndə poni nə, ku nə pɪpɪlɪ. ¹⁶ Á mɛ, sə á swìn sùràn tə, tə nə pɪn mu, á bɪrɪ lià nə. Á nə fwa nətu, dun tə Zwezi-*Kərisə nə wá pɪí v bà, à m̀̀ Polə wá na dun v yáá con, á yɪrɪ. Ku nətu bɪrɪ də, à cān tə, à nə dí tutuŋɪ tə wa, də à nə gwàrɪ tə wà tutu twɪ. ¹⁷ Á kəni á waa Zwezi nə. Ku yɪ ndə *joŋɪ nə, á nə pɪn Yu nə. Ba

nə gua nə, à jə pupwən. À mu tə wá ya jonɪ, ku sùrí á jonɪ tə nə. Yá à dàn wá jwɛ də á mama. ¹⁸ Á də mɛ, sə á ja pupwən nətu, á jwɛ də nə.

Timote də Epafəroditə yoo

(1 Tesalonikə tìán 3.1-11, 1 Korəntə tìán 16.15-18)

¹⁹ Də ku nə yɪ *Yuu-Tiu Zwezi fira, à jə yala də, à wá tun Timote á con síún. À pià, sə mánjá tə wa, v nə pií v bà à con, sə v dàn à mù Polə jìàn, də tə tə v nə nì á con. ²⁰ Mə v mù cɪɪ nə yɪ liù v wulə à con, v də pubuŋa tə nə yɪ ndə à nə, á yoo nə yì wá cígá cígá, ndə à nə. ²¹ Lià tə duən tə mama yɪ ba təntian yìèn cɪɪ nə ba buŋa. Yá ba ba Zwezi-*Kərisə yìèn tə yuu ywàŋá. ²² Ku nə yɪ Timote mù, á yèé nətu tə, v nə bɪrɪ də, v yoo ba kwè. À mù də v mù mɛ nə tuŋa duən nə, nə swìn Zwezi-Kərisə suywángú tə, nə bɪrɪ. U san nə tutuŋɪ tə wa, ndə biú nə saŋa v nyina nə nətu. ²³ À jə yala də, à wá wàní à tun wá á con lala, də à nə nɪ à yìèn tə yáá. ²⁴ À jə yala də, ku nə yɪ Yuu-Tiu fira, à tətə Polə wá bà á con síún.

²⁵ À nɪ də, ku mɛ, sə à pa Epafəroditə, v nə yɪ à nubiú Kərisə yɪrɪ, pií v bà á con. Á tun wá à con, sə v ja sánú tə, à yà nə pià, v ja bà v pa nə. Yá à mù də v mù dàn ken diàn nə tun Zwezi tütùnán tə zənzən. ²⁶ U yira luŋa zənzən, sə v na á mama. Yá á yoo ga jə wá, v nə yèé də, á nì də, v yira ba zurə yɪrɪ. ²⁷ Ku yɪ cígá, v yà tua yayɪɠv, ku ga mancɪn, sə v mu zwè. Yá Yu dàn dəri v yinəgə. Ku tà v mù cɪɪ yinəgə nə, Yu dəri. Ku yɪ də à mù Polə mɛ, sə pucvɪ nəfarv don kúù dàn ká yí nə, ku sùrí. ²⁸ Ku mù nə pun, à bɪbarɪ, sə à pa, v bà á con, sə á na wá, sə á ya pupwən wa, sə à də pucvɪ tə fɪ ku mun. ²⁹ U yɪ á don Kərisə liù nə Yuu-Tiu cwəŋə tə wa. Á zílə ba mù ləzwənyirə təntə. Mánjá tə wa, v dàn nə twi, sə á sè, á jon wá də pupwən. ³⁰ U jon á yuu tutuŋɪ v tun, v mu yà ga pià ku nan, tutuŋɪ tə yɪrɪ, á yà nə pià, sə á tun á pa nə, də á yà nə wulə à con. Ku yà ga mancɪn, sə v mu zwè Kərisə tutuŋɪ tə yɪrɪ.

Zwezi-Kərisə dwə won mama

(Galasi tián 5.1-6, 6.12-14, 1 Koréntə tián 9.24-27, 2 Piyerə 1.5-11)

¹ À nubia-ba, sugu tə, à nə wá ma zwè nə yɪ ku tə: Á mù də *Yuu-Tiu vwə duən nə. Á dān yana pupwən wa. Ku ba nə wuwali, sə à pìi à bwé ku tə wa, à nə dí yáá à swìn á con. Yá á mù con nə, ku mù nə wá pa, á nì ku dèñ cígá cígá. ² Lià wulə, ba tɔŋa yokukwɪnan. Ba yɪ ndə kukuri nə. Ba yoo nə yɪ, sə ba *gwəŋə bɛɛ. Yá ku ga yɪ yotutu. Á cia á tián nə də ba tə! ³ Nə mù nə yɪ lià tə, nə nə gwəŋə nə tián, yá ku ga jə dèñ. Ku tà ba mù. Nə mù nə jə Yu-*Siŋu tə diàn, nə ma tɔŋa nə pɪn Yu nə. Nə pɪn dun nə tián nə Zwezi-Kərisə yɪɪ. Nə ba nə waa keni ləzoni yofwamɪnan nə.

⁴ Də lià duən nə buŋa də, ba mù nə wàá ba waa ba kəni ləzoni yofwamɪnan nə, à mù Polə nə dwə ba. À də yà wàá à waa à kəni tə nə. ⁵ Á nəŋə yìèn tə, nə pɪn à dwə ba: *Ebərə-ba nə lɪɪ nə, à ga yɪ Ebərə cígá cígá. À yɪ *Yɪzərayelə-ba dwíí, Benzwamɛn*f1* dwíí dəkuu tə wa. Ba lɪɪ nə, ba gwəŋə nə, à lɪɪ diàn nana dun nə. ⁶ Ku nə yɪ Yu *nii tə yoo wa, à yà yɪ *Farɪzɪan. À yà jə yawala zənzən, *Zwifə-ba Yu nii tə yoo wa. Ku mù nə pɪn, à yà fɪfɪn Kərisə lià púlí tə. Ku nə kúb yɪ ka twá Zwifə-ba Yu nii tə nə zəni, sə ku ma bɪɪ də, à yɪ cígá tíú, à yà zìlí Yu nii tə mama. Yá à yà ba yoo mama jə ba nə wá caga à nii nə ku yɪɪ. ⁷ À yà jələ tə yìèn təntə də, tə mù nə jə nywarɪ. Yá síún nə Zwezi-Kərisə yɪɪ, à dān jələ tə mama ndə tutu nə. ⁸ Cígá mama, tə mama yɪ ndə tutu nə. À yèé à Yuu-Tiu Zwezi-Kərisə. Ku mù yənu təntə ga nə dwə won mama. U mù yɪɪ nə à sè, sə à kwìn tə mama nə, à ga jələ tə mama ndə ywərən nə, sə à wàní à ya Kərisə liù. ⁹ À pià, sə ku twá, à nə ken à waa Zwezi-Kərisə nə, à ma ya cígá tíú Yu yáá con. À kúb bá pià, sə à ya cígá tíú Yu yáá con, à nə zìlí Yu nii tə yoo v nə pɪn

*Moyizə nə yırı. Yu dān nə pın, à yí cígá tíú, à nə ken à waa Zwezi nə yırı. Ku tà à tətə. Ku mù nə pın, à dān yí v mù liù míámíán. ¹⁰ Yoo tə à nə pià, ku mù nə yí, sə à yəni Zwezi-Kərisə. Yá à pià, sə à yəni diàn tə, v nə ja pīi v bwin v nan. Yá à dān pià, sə à dó càn də wá, sə à ya ndə v nə, mánjá tə wa, v nə tuga. ¹¹ Də ku nə swə ku yí nətəv mama, sə à də pīi à bwin à nan ndə v nə.

Ka dəri ka va yáá wuuu yoo

(Romə tián 16.17-18, Ebərə-ba 13.14, 1 Zwan 3.1-3)

¹² Ku tà à pià, sə à swìn də, à manwarı à na ku tə à nə piá. À ma kúù ba pià, sə à swìn də, à yoo mama manwarı ku ziən. Yá à dān yí à kəni diàn, sə à wàní à ja wiən təntə, ndə Zwezi-Kərisə nə sè nə nətəv. ¹³ À nubia-ba, ku tà à wú, à manwarı à ja tə wiən təntə. Yá yoo nədu nə, à dān fwa. Ku mù nə yí, à swèé wiən tə, tə nə kèń, à ga kəni diàn, sə à yí wiən tə, tə nə wulə yáá. ¹⁴ À dān yí à dəri, à vələ yáá wuuu, sə à wàní à yí lá. Ku mù nə wá pa, à na ŋwírán tə, Yu nə kúrí nəba, sə v pa nəba. Ŋwírán təntə nə yí, sə à ya də wá Yu sàń nə, Zwezi-Kərisə yırı.

¹⁵ Nə mù jigə nəkwina Yu cwəŋə tə wa. Nə mɛ, sə nə bún nətəv. Də á nə bún yiri don, Yu nə wá bırı ku aba. ¹⁶ Ku nə swə, ku yí nətəv mama, nə vələ nə yáá wuuu, cwəŋə tə wa, nə nə yín ka wa, ku bà ku yí zèn.

¹⁷ À nubia-ba, á mama yana, ndə à nə yí nətəv. Á ywàńjá lià tə, ba nə yí ndə nə nə, sə á də ya nətəv. ¹⁸ À dí yáá à swìn tə yìèn təntə á con, nɛɛ kapupu. Síún nə, à kúù pīi à bwé tə wa, ku dān ga yí də yínia. Lià dáá zənzən ba tutunɛɛ nə bırı də, ba yí Zwezi-*Kərisə, v nə tuga dagarv tə yuu wa, duŋa. ¹⁹ Ba mù lià təntə puswənə wiən nə yí ba yí. Ba tuŋa yìèn tə nə jə cavıra, yá ba ga tə pın dun ba tiàn nə, də ku mɛ. Ba pubuŋa mama dān yí ka wulə tia yuu wiən tə con. Mánjá don biàn Yu nə wá cùgù ba. ²⁰ Ku nə yí nə mù, nə mù yí Yu *sàń lià. Ku yí nə *Yuu-Tiu Zwezi-Kərisə, v nə jon

nəba nə cuna wa, nə dānì, də v naŋa Yu sàń nə, v cwí nə con. ²¹ U nə twi máńá tə wa, v wá lwàń nə yira tə, tə nə ba dun jə, v pa tə jì ndə v tətə yira tə nə, tə nə jə dun. U wá fwa ku nətʊ tə də diàn tə, tə nə pɪn, v wulə wiən tə mama yuu wa.

4

¹ À nubisoni-ba, ku mù yiri nə, á dāń zɪga zəni, də *Yuu-Tiu máńá mama wuuu. À nubia-ba, à swə aba zənzən. À ga pià, sə à pií à na aba cígá cígá. À wulə pupwən wa á yiri. Yá à wá na dun yupuu á mù yiri.

Sagɪ tə kwìè bwálí

(Filipə tián 2.1-3, 1 Tesalonikə tián 5.16, 1 Piyerə 5.7, Kolosə tián 4.2, Zwakə 3.17-18)

² À kwè Evodi də Sentiswə, ba mù kana bələ təntə sə ba ja nimaru, ba nə yi *Yuu-Tiu lià tə yiri. ³ Yá n mù liù tə, n nə yi pùé nədu tíú, n ga yi à tutundon, à lòrì mú, sə n san kana bələ təntə nə. À mù, də ba mù, də Kəleman, də tùtùná tə duən nə kálí nə tiàn nə swìn Zwezi-Kərisə suywáńú tə nə biri. Yu púpúní ba mama yira sagɪ wa. Ku nətʊ biri də, ba jə miu tə, ku nə ba zwè v con.

⁴ Á wulə də Yuu-Tiu Á dāń yana pupwən wa dun mama. À tə kùè bwé ku wa: Á yana pupwən wa! ⁵ Á pian lià tə mama lwarɪ də á jə pubwanu. Yuu-Tiu túrí bwələ. ⁶ Á dāná ká pa, won mama yoo ja aba. Yoo mama nə twi, sə á twá də yijunɪ, á lòrì won tə, á nə pià Yu con. Á nə lòrì Yu con nətʊ, sə á kə v lèè də. ⁷ Yá Yu wá pa bican sié aba, tə nə dwə won tə mama nə nə wáá ku dēń nə nì. Bican sié təntə dāń wá pa, á fira də á pubuŋa ya də Zwezi-Kərisə.

⁸ À nubia-ba, ku tə, à nə wá swìn à gúrí nə yi yìèn tətə. Á nəŋə yìèn tə nə mɛ, sə tə ya á pubuŋa yìèn: Tə mù nə yi yozəŋə tə, lià nə bwɪ tə nə, də

yìèn tẹ, tẹ nẹ yí cígá yìèn Yú yáá con. Dẹ tẹ tẹ ba cuna jẹ. Dẹ tẹ tẹ ba nẹ mẹ, sẹ ba sóní, ba ga búrì dẹ, tẹ zìen. Dẹ yofwamunan nẹzẹjẹ ba nẹ bwi tẹ nẹ. ⁹ Á dẹ dàń fwa yìèn tẹntẹ à nẹ búrì aba, dẹ tẹ tẹ, á nẹ sẹ, dẹ tẹ tẹ, á nẹ nì, dẹ tẹ tẹ, á nẹ nì dẹ, à fwa. Yá Yú tẹ, ọ nẹ pín nẹba bican sié, dàń wá ya dẹ aba.

Polẹ kẹni ba lẹẹ ba zìlẹ tẹ yírì

(Ebẹrẹ-ba 13.3, 5, 16, Filipẹ tián 1.7, 2 Korẹntẹ tián 9.6-15)

¹⁰ *Yuu-Tiu pín, à jẹ pupwẹn, á nẹ kùbẹ pìí á wulẹ á saña nẹ yírì. Á buja à yoo, ku dán, yá á wà wàńí, sẹ á san nẹ. ¹¹ Ku tà à swìn nẹtu, won nẹ mùrì nẹ yírì. À mì nẹtu tẹ, à nẹ wá ya pupwẹn wa, yoo mama wa. ¹² À yẹé, nẹtu à nẹ wá fwa dẹ, won nẹ mùrì nẹ. À ma kùbẹ yẹé, nẹtu à nẹ wá fwa dẹ, à nẹ jẹ wiẹn zẹnzẹn dẹ. Yoo mama wa, à mì ka dọ ka sù, à ga mì niẹn janu dẹ. À mì ka ja wiẹn zẹnzẹn, à ga mì won nẹ mùrì nẹ dẹ. ¹³ À wàá tẹ yìèn tẹntẹ mama, à fwa dẹ dián tẹ, Zwezi-Kẹrisẹ nẹ pín nẹ. ¹⁴ Yá dẹ nẹtu mama, á fwa zẹni dẹ, á nẹ san nẹ à yojanan tẹ wa. ¹⁵ Á mù Filipẹ tián-ba, á yẹé dẹ, ku jju mama à swìn Zwezi-*Kẹrisẹ suywánjẹ tẹ, Masedwanẹ nagwanaa tẹ wa. Yá à nẹ pìí à vírì, mánjá tẹ wa, á mù cici nẹ san nẹ. Kẹrisẹ lià púlí don mama wà lá yin à mù dẹ ba mù nẹ pín wiẹn duẹn nẹ, nẹ ga jon wiẹn duẹn con, dẹ ku nẹ tà á mù cici. ¹⁶ À nẹ kùbẹ yin Tesalonikẹ dẹ nẹ, á nẹ bẹlẹ mẹ, á nẹ pín, won tẹ, ku nẹ mùrì nẹ, bà ku pa nẹ. ¹⁷ Ku tà á zìlẹ wiẹn tẹ, à pìà. Ku tẹ, à nẹ pìà, ku mù nẹ yí, sẹ Yú pa aba ku ẹwírán zẹnzẹn, ndẹ tiú nẹ zin bia zẹnzẹn nẹtu. ¹⁸ À nì tẹ tẹ mama, á nẹ tun à nẹ, tẹ ga búrí nẹ. Mánjá tẹ, à nẹ nì wiẹn tẹ, Epafẹroditẹ nẹ ja bà, ọ pa nẹ, won mama kùbẹ wà nẹ mùrì. Tẹ wiẹn tẹntẹ yí ndẹ tiralí nẹ, ku lwán nẹ ywán zẹni. Tẹ ga yí ndẹ *jọńi nẹ, ku twá Yú fira nẹ, ọ ga swẹ tẹ. ¹⁹ Yú yí dun nẹfaru tíú, yá ọ ga wá pa aba, ku tẹ mama nẹ mùrì aba, Zwezi-Kẹrisẹ yírì. ²⁰ Dun tẹ mama mẹ, sẹ tẹ ya nẹ nyuna Yú nyiẹn, mánjá mama, wuuu, ku nẹ ba zwẹ. Amuna!

Sagɪ tə jùná bwálí

²¹ Á jùná là tə mama, ba nə yɪ *Kərisə nə tɪ, á pa nə. Kərisə là tə, ba nə wulə yəbə, də jùní aba. ²² Kərisə là tə mama jùní aba. Ba tə, ba nə jùní aba, ba doni, kʊ m̀də nə yɪ *Romə-ba pìú nəfaru kàrá là tə.

²³ *Yuu-Tiu Zwezi-Kərisə pubwanu tə wá ya də á pubuŋa tə.